

Риёзус солиҳийн (болалар учун) / Риёзус солиҳийн (болалар учун) / 72-ҳадис

72 - وَعَنِ ابْنِ عُمَرَ رَضِيَ اللَّهُ عَنْهُمَا أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ: «إِنَّمَا مَثَلُ صَاحِبِ الْقُرْآنِ كَمَثَلِ الْإِبْلِ الْمَعَقَّلَةِ، إِنْ عَاهَدَ عَلَيْهَا أَمْسَكَهَا، وَإِنْ أَطْلَقَهَا، ذَهَبَتْ». مُتَّفَقُ عَلَيْهِ.

Ибн Умар розияллоҳу анхудан ривоят қилинади:

“Расулуллоҳ соллаллоҳу алайҳи васаллам:

«Қуръон соҳиби худди тушовланган туя (соҳибига) ўхшайди. Агар унга ҳушёр бўлса, уни тутиб турари, ташлаб қўйса, кетиб қолади», дедилар».

Муттафақун алайҳ.

Шарҳ: Қуръони каримнинг лафзи ҳам, услуби ҳам ақлларни ожиз қолдирувчидир. Мусулмон киши Қуръондан ёд олган оятларини унутиб қўймаслик учун такрорлаб, қайта-қайта ўқиб юриши, доимо ёдда тутиб турмоғи лозим. Бу нарса бардавом ўқиб, тинглаб юриш, орқали юзага келади.

Ҳадисдан ўргангандаримиз

1. Қуръони карим ақлларни лол қолдирувчи Аллоҳнинг каломидир. У Азизу мукаррам китоб бўлиб, доим такрорлаб, қайтариб туришни талаб этади.
2. Агар Қуръонни такрорлаб турилмаса, қалбдан кўтарилиб, унутилиб, хотирадан ўчиб кетиши мумкин.
3. Аллоҳнинг Китобидан бирор оят ёки сура ёд олган киши унинг қироати ва такрори билан доим машҳул бўлиб туриши даркор.



NUBUVVAT MARVARIDLARI